

BOSNA I HERCEGOVINA

Brčko distrikt BiH

**SKUPŠTINA**

**BRČKO DISTRIKTA BiH**



БОСНА И ХЕРЦЕГОВИНА

Брчко дистрикт БиХ

**СКУПШТИНА**

**БРЧКО ДИСТРИКТА БиХ**

*Mladena Maglova 2, 76100 Brčko distrikt BiH, telefon i faks: 049/215-516*

*Младена Маглова 2, 76100 Брчко дистрикт БиХ, тел. и факс: 049/215-516*

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 33. redovnoj sjednici održanoj 30. novembra 2022. godine, usvaja

**ZAKON**  
**O IZMJENAMA I DOPUNAMA ZAKONA O SPORTU U BRČKO DISTRIKTU**  
**BOSNE I HERCEGOVINE**

**Član 1**

U Zakonu o sportu u Brčko distriktu Bosne i Hercegovine (Službeni glasnik Brčko distrikta Bosne i Hercegovine, broj 14/11) u članu 9 stav 1 mijenja se i glasi:

„(1) Odjeljenje za privredni razvoj, sport i kulturu (u daljnjem tekstu: Odjeljenje) vodi evidenciju nosilaca sportskih aktivnosti, kao i evidenciju sportskih stručnjaka, sportskih objekata, sportskih rezultata sportista koji imaju prebivalište u Distriktu, kao i evidenciju odobrenih i utrošenih sredstava iz člana 41 stava 2 ovog zakona od strane pojedinačnih nosilaca sportskih aktivnosti.“

**Član 2**

(1) U članu 41 iza stava 1 dodaju se novi stavovi 2, 3, 4, 5, 6, 7, 8, 9, 10 i 11 koji glase:

“(2) Sredstva za finansiranje sporta dodjeljuju se iz budžeta, saglasno Zakonu o budžetu Brčko distrikta Bosne i Hercegovine, po osnovu:

- a) finansiranja i sufinansiranja programa i projekata od javnog interesa;
- b) donacija za pomoć u sportu.

(3) Finansiranje i sufinansiranje programa i projekata od javnog interesa provodi se saglasno odredbama Zakona o budžetu Brčko distrikta Bosne i Hercegovine, na prijedlog Odjeljenja.

(4) Donacije za pomoć u sportu mogu biti dodijeljene za:

- a) finansiranje organizovanja ili učešća na amaterskom takmičenju ili manifestaciji;
- b) finansiranje troškova priprema u trajanju od sedam do deset dana, za učešće na

amaterskom takmičenju ili manifestaciji;

c) nabavke sportske opreme i sportskih rekvizita radi organizacije ili učešća na amaterskom takmičenju ili manifestaciji.

(5) Donacije iz stava 4 ovog člana mogu podrazumijevati naknadu troškova prijevoza, ishrane, hotelskog ili drugog smještaja, naknadu troškova za komunalne usluge za vrijeme trajanja amaterskog takmičenja ili manifestacije organizovane u Distriktu, naknade sportskim trenerima, sudijama i tehničkom osoblju za vrijeme trajanja amaterskog takmičenja ili manifestacije.

(6) Donacije iz stava 2 ovog člana ne mogu biti dodijeljene za amaterska takmičenja ili manifestacije za koje su već odobrena sredstva iz budžeta Distrikta u okviru finansiranja i sufinansiranja programa i projekata od javnog interesa u istoj fiskalnoj godini niti za profesionalna takmičenja ili manifestacije.

(7) Donacije iz stava 2 ovog člana odobravanju se na prijedlog Odjeljenja posebnom odlukom Vlade za svaku pojedinačnu donaciju.

(8) Neovisno o propisanim odredbama ovog člana i članova 42 i 43 ovog zakona, posebnom odlukom Vlade ili Skupštine može biti uspostavljen fond za nagrađivanje uspješnih sportista Distrikta odnosno fond za dodjelu stipendija uspješnim sportistima amaterima Distrikta na redovnom školovanju, pod uslovom da stipendiju ne ostvaruju po drugom osnovu kojom će biti utvrđen maksimalni nominalni iznos koji se u ove svrhe može izdvajati u toku fiskalne godine.

(9) Pravilnikom o donacijama koji na prijedlog Odjeljenja usvaja Vlada utvrđuju se nivoi i vrste amaterskih takmičenja i manifestacija za koje se može tražiti i odobriti donacija, uslovi koje mora ispunjavati sportsko udruženje ili savez da bi zatražilo donaciju, kao što je broj članova udruženja, značaj za Distrikt, uspješnost na lokalnim takmičenjima, učešće i uspješnost na takmičenjima na nivou Bosne i Hercegovine i međunarodnim takmičenjima, uspješnost u popularizaciji konkretnog sporta, drugi izvori finansiranja udruženja i slično, kriteriji za ocjenu uspješnosti za dodjelu sportskih stipendija i nagrada, način izvještavanja o utrošenim sredstvima donacija i druga pitanja od značaja za odlučivanje o odobravanju donacije.

(10) Posebne donacije u sportu mogu odobriti pojedinačnom odlukom Skupština ili Vlada, ukoliko su za isto predviđena sredstva u budžetu Distrikta.

(11) Amatersko sportsko udruženje ili drugi nosilac sportskih aktivnosti koje nije opravdalo utrošak sredstava iz izvora koji su predviđeni odredbama stava 2 tački a) i b), ne mogu podnijeti zahtjev za donaciju."

(2) Dosadašnji stav 2 postaje stav 12.

### **Član 3**

U članu 45 stavu 1, iza tačke k) briše se interpunkcijski znak “.” dodaje se interpunkcijski znak “;” i nova tačka l) koja glasi:

“l) ne dostavi izvještaj o namjenskom utrošku sredstava za finansiranje i sufinansiranje programa i projekata od javnog interesa odnosno izvještaj o namjenskom utrošku sredstava donacija za pomoć u sportu (član 41 ovog zakona).”

### **Član 4**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-5731/22  
Brčko, 30. 11. 2022. godine

**PREDSJEDNIK  
SKUPŠTINE BRČKO DISTRIKTA BiH  
Mr. sci. Siniša Milić**